



DEN NORSKE KYRKJA

Alver kyrkjelege fellesråd

Adresseinformasjon fylles inn ved ekspedering. Se mottakerliste nedenfor.

Dato: 26.05.2021

Vår ref: 21/03881-2

Dykkar ref:

Budsjett 2022 Alver kyrkjelege fellesråd - søknad til Alver kommune

Alver kyrkjelege fellesråd behandla forslag til budsjett 2022 i sitt møte 20.05.21, og sender med dette søknad om tilskot til Alver kommune.

Tilskotet for 2021 er

- kr 22,35 mill, tilskot til drift av kyrkje, organisasjon og gravplassar (årleg)
- kr 2,69 mill, renter og avdrag Knarvik kyrkje (årleg)
- kr 0,3 mill, vedlikehald kyrkjebygg (eingongs)

Driftsbudsjett

I drøftinga av 2022-budsjettet har fellesrådet tatt utgangspunkt i drifta i dag. Etter ei grundig gjennomgang av drifta og det økonomiske behovet, så vedtok fellesrådet å søke om at driftstilskotet aukar med om lag 2 mill kr (ikkje indekserte tall). Samla_søker fellesrådet om tilskot for 2022 på kr

- kr 24,12 mill, tilskot til drift av kyrkje, organisasjon og gravplassar.
- kr 2,37 mill, renter og avdrag Knarvik kyrkje
- kr 0,5 mill, vedlikehald kyrkjebygg

Auken i tilskotet er delt i tre hovedpostar:

- 50% stilling i administrasjonen i fellesrådet. Det har vore eit klart behov heilt sidan samanslåinga til Alver KF, då det ikkje kom ekstra ressursar. Stillinga skal mellom anna ha ansvar for arkivfunksjonen, personalarkivet, administrativ støtte til driftsleiar/gravferd, telefoni.
- Kr 500.000 til løpande vedlikehald gravplassar og kyrkjer. For 2021 fekk vi eit eingongsbeløp på kr 300.000, men det ligg ingenting til vedlikehald i den faste ramma. Men med 14 kyrkjebygg og 25 gravplassar er vedlikehaldsbehovet der uansett.
- Korrigering av enkeltpostar som har vore feil budsjettert i 2021 (t.d husleige, piano- og orgel-stemming, strøm, datatenester, NAV-refusjonar). For 1. tertial 2021 har vi eit driftsunderskot trass i stram økonomistyring og lågare aktivitet grunna korona, og det indikerer ei generell underfinansiering. Vi minner om at kommunen reduserte tilskotet i 2021.

Når det gjeld spørsmål om festeavgift for 2022 så vil fellesrådet behandla det i september, og sende eit forslag til kommunen.

Investering

Vi forsøker å få mest mogeleg nytte av investeringsmidlane for 2021 på kr 1,5 mill. Likevel ser vi at det også i 2022 er behov, særleg til plentruktor og klippeutstyr (kr 200.000). Det er framleis uavklart med gravemaskinen på Meland gravplass. Kommunen eig den maskinen, og vi må låne den. Dette er lite fleksibelt når det er mange gravferder samtidig i kommunen. Vi har behov for å kjøpe kommunen sin gamle (kr 100.000) eller få tilskot til å kjøpa ein ny (kr 330.000).

- Vi søker om investeringsmidlar på kr 200.000 + kr 100.000 eller kr 330.000

Vi minner også om pågåande prosjekt for utvida gravplass på Lindås, at vedtatt investeringstilskot blir vidareført.

Verdibevaranda vedlikehaldsplan

Kyrkja har arbeidd grundig med å kartlegga vedlikhaldsbehovet i kyrkjene, og behovet for langsiktig vedlikehald er dessverre stort. Dette er veldig flotte bygg med mykje kulturhistorisk verdi, og vi må ta vare på dei.

Vi er veldig glad for at kommunen ga kr 250.000 i tilskot til å utarbeida ein samla vedlikhaldsplan. Vi har no vedlikehaldsrapportar med forslag til prioriteringar for alle kyrkjene. Parallelt med dette ga kommunen Alver fellesråd kr 3,5 mill av korona-midlane, slik at vi no i 2021 oppgraderer og maler kyrkjene Meland, Lindås, Lygra og Ostereidet.

Fellesrådet har laga ein 4-års plan for vedlikehald av kyrkjene, den er allereie sendt til kommunen for behandling. Planen er på kr 10 mill tilsaman for dei 4 åra, og omfatter kun det som er kalla TG3-behov. (Dei 4 kyrkjene som får ekstra vedlikehald i år er ikkje med i denne planen). Vi ser for oss at dette bør bli ein rullerande 4-års vedlikehaldsplan.

Vi legg til grunn at kommunen indekserar tilskotsbeløp.

Ta gjerne kontakt for meir informasjon.

Med helsing

John Fredrik Wallace
kyrkjeverje

[Click here to enter text.](#)

Dokumentet er elektronisk godkjent og har difor ingen signatur.

Mottakere:

Alver kommune
Alver kommune, Martin Kulild

Postboks 4
Postboks 4

5906 Frekhaug
5906 Frekhaug